

光緒山西通志

學制略下

略五之二

山西通志第七十六

選士出身讀禮部侍郎兼都察院右副都御史巡撫山西督軍務臣張爾

旨監修

典學

學領學田附
鄉飲酒書院義學

府州廳縣各學並建明倫堂以頒條教尊經閣以藏書籍齋
舍以居生徒

順治九年頒奉

欽定臥碑

國家建立學校選取生員免其丁徭厚以廩膳設學院學道
學官以教之各衙門官以禮相待全要養成賢才以供朝廷
之用諸生皆當上報國恩下立人品所有教條開列於後
一生員之家父母賢智子當受教父母愚魯或有非爲者子

既讀書明理當再三懇告使父母不陷於危亡 一生員立志當學爲忠臣清官書史所載忠清事蹟務須互相講究利國愛民之事更宜留心 一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省 一生員不可干求官長交結勢要希圖進身若果心善德全上天知之必加以福 一生員當愛身忍性凡有司官衙不可輕入卽有切已之事止許家人代告不許干預他人詞訟他人亦不許牽連生員作證 一生員爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓毋致怠惰 一軍民一切利病不許生員上書陳言如有一言建白以違制論黜革治罪 一生員不許糾黨

多人立盟結社把持官府武斷鄉曲所作文字不許妄行刊刻違者聽提調官治罪

康熙三十九年頒奉

聖諭十六條

一敦孝弟以重人倫一篤親族以昭雍睦一和鄉黨以息爭訟一重農桑以足衣食一尚節儉以惜財用一隆學校以端士習一點異端以崇正學一講法律以儆愚頑一明禮讓以厚風俗一務本業以定民志一訓子弟以禁非爲一息誣告以全良善一戒窩逃以免株連一完錢糧以省催科一聯保甲以弭盜賊一解讎忿以重身命

康熙四十一年頒奉

御製訓飭士子文

國家建立學校原以興行教化作育人材典至渥也朕臨御以來隆重師儒加意庠序近復愼簡學使釐剔弊端務期風教修明人才蔚起庶幾模範作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學之術事功源委有敘爾諸生幼聞庭訓長列官牘朝夕誦讀甯無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥姦猾欺孤凌弱或招呼

朋類結社要盟乃如之人名教不容鄉黨弗齒縱幸脫襁朴
濫竊章縫反之於衷甯無愧乎況夫鄉會科名乃掄才大典
關係尤鉅士子果有真才實學何患困不逢年願乃標榜虛
名暗通聲氣負緣詭遇罔顧身家又或改竄鄉貫希圖進取
藉凌騰沸網利營私種種弊端深可痛恨且夫士子出身之
始尤貴以正若茲厥初拜獻便已作奸犯科則異時敗檢踰
閑何所不至又安望其秉公持正爲國家宣猷樹績膺後先
疏附之選哉朕用嘉惠爾等故不禁反覆惓惓茲訓言頒到
爾等務共體朕心恪遵明訓一切痛加改悔爭自濯磨積行
勤學以圖上進國家三年登造束帛弓旌不特爾身有榮卽
爾祖父亦增光寵矣逢時得志甯俟他求哉若乃視爲具文
玩愒不做毀方躍冶暴棄自甘是爾等冥頑無知終不能率

教也既負栽培復干咎戾王章俱在朕亦不能爲爾等寬矣
自茲以往內外直省鄉校凡學臣師長皆有司鐸之責者並
宜傳集諸生多方董勸以副朕懷否則職業弗修咎亦難追
勿謂朕言之不預也爾多士尙敬聽之哉

雍正二年頒奉

聖諭廣訓

御製序曰書曰每歲孟春道人以木鐸徇於路記曰司徒修六
禮以節民性明七教以興民德此皆以敦本崇實之道爲膺
民覺世之規法莫良焉意莫厚焉我

聖祖仁皇帝久道化成德洋恩普仁育萬物義正萬民六十年
宵衣旰食祗期溥海內外興仁講讓革薄從忠共成親遜之
風永享昇平之治故

特頒上諭十六條曉諭八旗及直省兵民人等自綱常名教之際以至耕桑作息之間本末精粗公私鉅細凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕繼承大統臨御兆人以

聖祖之心爲心以

聖祖之政爲政夙夜黽勉率由舊章惟恐小民遵信奉行久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉先志以啟後人使羣黎百姓家喻而戶曉也願爾等兵民仰體

聖祖正德厚生之至意勿視爲條教號令之虛文共勉爲謹身
節用之庶人盡除夫浮蕩翫淩之陋習則風俗淳厚室家
平在朝廷德化樂觀其成爾後嗣子孫並受其福積善之家
必有餘慶豈或爽哉

雍正四年頒奉

上諭爲士者乃四民之首一方之望凡屬編氓皆尊之奉之以
爲讀聖賢之書列膠庠之選其所言所行俱可以爲鄉人法
則也故必敦品勵學謹言慎行不愧端人正士然後以聖賢
詩書之道開示愚民則民必聽從其言服習其教相率而歸
於謹厚或小民偶有不善之事卽懷愧恥之心相戒勿令某
人知之如古人之往事則民風何患不淳世道何患不復古
耶朕觀今日之士雖不乏閉戶勤修讀書立品之人而蕩檢

踰則不顧名節者亦復不少或出入官署包攬詞訟或武斷鄉曲欺壓平人或抗違錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並輕視聖賢之言矣士習不端民風何由而正其間關係極爲重大朕自卽位以來加恩學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之習而內外諸臣條奏中臚列諸生之劣蹟請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且塞責漫不加察所以倡率之本不

立無怪乎士習之不端風俗之未醇也朕孜孜圖治欲四海之大萬民之衆皆嚮風慕義革薄從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化於教官之稱職者卽加薦拔溺職者卽行參革爲教官訓誨士子悉秉誠心如父兄之督課子弟至於分別優劣必至公至當不涉偏私如此各盡其道則士子人人崇尚品詣砥礪廉隅不但自淑其身而羣黎百姓日聞善言日觀善行必共生感發之念風俗之丕變庶幾其可望也

乾隆十年頒奉

上諭士爲四民之首而太學者教化所先四方於以觀型焉比者崇生徒而教育之董以師儒舉古人之成法條規亦既詳

備矣獨是科名聲利之習深入人心積重難返士子所以汲汲皇皇者惟是之求而未嘗有志於聖賢之道不知國家以經義取士多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業別無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以志於情遊而不知反終身不能有志於學而君子以爲非士之罪也使教素明於上而學素講於下則是固將有以用其力而豈有不勉之患哉諸君苟能致思於科舉之外而知古人之所以

爲學則將有欲罷不能者矣朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦無累也居今之世雖孔子復生不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辦志志於爲己者聖賢之徒也志於科名者世俗之陋也國家養育人材將用以致君澤民治國平

天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學
乾隆二十四年頒奉

上諭前因磨勘順天等省鄉試卷見其中詞句紕繆者不一而足甚至不成文義如飲君心於江海之語於文風士習深有關係已降旨宣諭中外俾衡文作文者知所警惕第念別裁偽體以端風尚固在考官臨時甄別公明而平時之造就漸摩使士子皆知崇實黜浮不墮揣摩搏撿惡習則學政責任尤重鄉會兩試乃士子進身階梯而學臣於三年之前歲科考校評隲甲乙者此日之生童卽爲他日之舉人進士所云正本清源舍是無由也爲學政者果能以清真雅正爲宗一

切好尚奇詭之途無從倖售文章自歸醇正否則素日趨向
紛歧一當大比爲試官者鎖闈校拔不過就文論文又何從
激勸而懲創之且學政按臨謁廟講書原與士子相見非考
官易書餉名暗中摸索者比文字一道人品心術卽於此見
端自應隨時訓勵整頓務去佻達倖澀之澆風將能爲清真
雅正之文亦可望爲醇茂端謹之士由此賢書釋褐足備國
家任使斯士子無負科名而學臣亦不負衡文之任但不得
因有是旨徒以字句疵戾易爲磨勘指摘遂專取貌似先正
之文於傳註無所發明至相率而歸於空疏淺陋則又所謂
矯枉過正救弊適以滋弊不獨輿論難証一經朕鑒察亦惟
於該學政是問今歲正學政受代之始諸臣皆朕特簡各宜
勉副興賢育才至意著將此旨錄於學政公署並各府州縣

一男倫堂用資觸目警心而凡我多士亦皆得審所就範朕
實有厚望焉

會典雍正七年覆準各督撫轉飭地方官將

欽依刊刻臥碑

御製訓飭士子文敬謹刊刻裝潢成帙奉藏各學尊經閣內遇
督撫等到任及學臣到任按臨於祇謁先師之日該教官
率生員貢監等詣明倫堂行三跪九叩禮教官恭捧宣讀
令其拱聽如有無故規避者行學戒飭其有居址遙遠者
令其輪班入城恭聽宣讀至生員貢監內有唆訟抗糧緣
事曾經戒飭者令其階下跪聽以示懲戒
尊經閣奉藏頒行書籍有

御纂周易折衷

欽定書經傳說彙纂

欽定詩經傳說彙纂

日講四書解義

御纂性理精義

御製律書淵源

御纂朱子全書

御批通鑑綱目及前編外記舉要續編

御纂古文淵鑑

欽定康熙字典

上諭內閣

高宗純皇帝御製文初集

御製詩初集二集

御纂周易述義

御纂詩義折中

御纂春秋直解

欽定三禮義疏

御選唐宋文醕詩醕

欽定明史

欽定國子監志

欽定學政全書

欽定四書文

大清律例 十三經注疏 二十一史

會典凡

御纂諸書頒發直省依式鈐板流傳分給各學存貯尊經閣俾

士子咸資誦習坊賈願行刊印者聽其十三經二十四史三通諸書令各督撫購買給與有尊經閣之府州縣交學官收貯以資諸生誦讀學官時率諸生與之講貫令其熟習學政考試經解於

御纂諸經中摘取先儒同異之處發問令生童等條對民間刪

本經書片板由各督撫嚴飭所屬查收銷燬其有刊刻小本講章及編輯經書擬題套語策略等類概行禁止嚴禁淫詞小說有乖風化及一切非聖之書違者從重治罪

學政全書雍正元年議準學宮之內廣置齋舍務立課程教官面加考試至於新進生員尤爲進身之始豈可使身無檢束聽其遊蕩應照國子監坐監之例令其在學肄業俟下案新生至學爲滿或有親老家貧勢不能在學肄業

者亦必分題考核每月定期使無曠業 六年議準士子
欲其留心經濟爲國家有用之才應飭教官季考月課時
於書文一篇外或試以策或試以論務期切近時務通達
政治嚴立課程分別優劣以示勸懲 七年議準律例內
刑名錢穀乃莅政臨民之要務士子宜預先學習以爲他
日敷政之本應飭教官每當月課季考之次日將
大清律例與之講解使之熟習淹貫預識政治之要

舊通志太原府儒學在府治東宋太平興國四年徙州
於城東南隅建孔子廟景祐中并州牧李若谷卽廟建
學慶厯初明鎬又建禮堂於殿北皇祐五年韓魏公琦
知并州闢地建學自爲記靖康末兵燬金天會九年耶
律資讓鎮太原重建今所正隆初太原尹完顏宗憲修

大定丙午亞尹張子衍漕貳楊伯元立建賢堂於兩廡

間明昌二年張大節知太原增治殿宇講堂齋室翰林

趙淵為記元末圯明洪武三年重建宋宋州偏今治

謂其時府學當在今順城街左近是也宋并州徙治唐

明鎮在太平興國七年志云四年誤至所考源流具見

安陽黃山兩記蓋自宋訖永和縣學舊在城東門外

唐貞觀二年建宋大觀初修元至介休縣學舊在縣治

東肇建於唐咸亨三年元至元元年移於城東南隅稷

山縣學在縣治東南唐貞元中建元貞元並翼

城縣學舊在縣治南後唐長興三年建宋天聖八年文

建於西門內有自記金天會八年元至絳縣學在縣治

元十年至正十五年並重修郭德壻記忻州學舊在州治

西南九龍原上後晉天福二年建金天德大定間元皇

慶中屢修明宏治五

平徙州 治西北 榆次縣學在縣治西宋咸平二年知縣龔文

龔建金大定間元至大三絳州學在城東北隅咸平二

年知絳州夏侯濤修李垂記元至元十三年修王渾記

聞喜縣學在縣城東北隅咸平四年知縣慈釋回修縣

尉李垂記又至和二年司馬光記金大定泰和元至元

才二記王渾呂希平陸縣學在縣治東南大中祥符二年知縣

麻吉肇建元至元十曲沃縣學舊在縣治東南慶歷四

年知縣宋琚建金泰和三年修元大德鄉甯縣學在縣

治西皇祐三年知縣劉舒建自為記與縣治同時徙萬泉縣學

在縣治東至和元年知縣趙瞻建金泰和三年元大德

澤州府學在府東南至和二年知州吳中建金貞祐四

增修李俊民記保德州學舊在城東南隅熙甯初知保德軍高

山西通志卷七十八 學制略下 十一

煥建

金大定十年刺史高懷政改建於州治西自平定

州學在州治東南隅元豐六年建元正間修嵐縣學在縣

治東南元豐中建元大德中修壽陽縣學在縣治西元祐初

知縣張元醅建李毅記元至元間修高平縣學在縣治東南

元祐三年知縣張持建元至元間修文水縣學在縣治東元

符間知縣薛昌建金天德三年元至元間修長子縣學在城東

南隅建中靖國元年移建金天會正隆承安元中太谷

縣學在縣治東南崇甯三年縣尉李城建元至元大德並修孝

義縣學在城東南隅大觀間知縣事董元愷建元貞二年大

德八年靜樂縣學舊在縣治東岑山半大觀中建明洪武二

年改建於山半嘉靖中復舊地應州學舊在城西北

萬曆十五年改今所本寶峰寺

隅遼清甯中建明洪武八年襄垣縣學在縣治東南

金天會間縣令韓俊建

元貞延祐至順年並修

路城縣學在縣治

東南天會間主簿武某始建

元大定二年元至

陵川縣學

舊在東城外天會間縣令魏致隆建

元大德二年並修明天啟三年移今所

芮城縣學在縣治東北天會八年建

元縣尹苗

沁水縣

學在城西門外正隆二年縣令李搏建

元至正

五臺縣

學在縣治西正隆二年建大甯縣學舊在縣治西北正

隆六年縣令高永孚建

元大德二年修後徙治西

汾陽縣學在師垣

坊爲汾州舊學大定四年同知節度康玉潤修

元初襄重修

陵縣學在縣治西南大定初縣丞湯儒林建泰和元年

縣令趙景溫成之

元大德間修續執中記

祁縣學舊在縣南街大

定間縣令傅弼建

明嘉靖二年移縣治西南

徐溝縣學在縣治西大

定中建黎城縣學在縣治南門左大定間縣令李晏修

元中結至甯鄉縣學舊在縣西城下大定間縣令劉文

通修明嘉靖中解州學在州治東大定二十八年知州

李愈修元統平陽府學舊在府治前明昌中建志云

熙中建築南宋光宗紹熙元年即金明路安府學在府

昌之元年也改正明嘉靖間徙東街清源縣學在

治西南明昌間節度使李晏修至元十一年又修

縣治西南泰和三年縣令張德元建今改樂平縣學在

縣治東南泰和中建今改猗氏縣學在縣治東承安二

年建元癸酉重建靈邱縣學在縣治東貞祐初建元至

修石樓縣學在縣治東金時重建何年不詳渾源州學在

州治西元初建皇慶二年秦榆社縣學在縣東門外中

統二年建德癸卯並修霍州學在州治西南至元二年

霍邑縣尹韓爽建段成已記大德十年延祐七洪洞縣

學舊在縣治後至元三年建明嘉靖元年知縣蕭鉉改遷治東北太平縣

學在縣治西北至元八年主簿任興嗣修王惲記至正九年

年至正臨晉縣學至元十一年知縣許榮建至正二年知縣蕭若廣重

修蒲州府學在城東南隅至元十三年拓建即舊學也府志

肇於唐開元時至貞元中渾瑊鎮河中復建文宣王廟移於城南常仲儒為碑宋以來仍之元遷今所垣

曲縣學在縣治北至元十六年縣尹岳宏移建舊在城外夏

縣學在縣治東南至元十四年縣尹申達建至正年並

重修遼州學至元中知州劉義建延祐三年重修興縣學在縣治

東至元間建浮山縣學在縣治西至元間建大德年並重修壺

關縣學在縣治東南至元間縣尹郅郎重建延祐中蒲

縣學舊在縣治西大德元年建明天啟四年所運司學在運

治東南大德三年運使奧屯茂建虞摯記今為河交城

縣學在縣治東大德六年建

延祐至正年並修

定襄縣學舊在

南城外大德十年縣尹趙德溫建

明洪武八年徙縣治東北

靈石縣

學在縣治西南大德十一年縣尹韓敦武建屯留縣學

在縣治西南大德間縣尹陳善修沁源縣學舊在東關

大德間建

明嘉靖元年易聖壽寺爲之二十年復故址天啟六年徙北關外崇禎十五年建於今所

河津縣學在縣治東皇慶初建吉州學在州東門外延

祐初建岳陽縣學在縣治西延祐三年縣尹郭樹建孟

縣學在縣治東南至治三年州判蒲機修虞集記崞縣

學在縣治東南泰定間建和順縣學在城東北隅至正

十三年縣尹張欽祖建汾西縣學在縣治西至正十八

年縣尹梁濟建隰州學在州治西南至正間建臨縣學

舊在東郭至正間建

明永樂戊戌遷舊學嘉靖丙辰徙今所

安邑縣學在

縣治東至正間重建

本宋蔡攸所建志云有記未詳

代州學在州治

南洪武二年建榮河縣學在縣治東南洪武三年縣丞

馬復禮因故址建沁州學在州治西興文街洪武三年

知州陳大本建陽城縣學在城東南洪武四年知縣李

芾重建河曲縣學舊在縣東北洪武四年知縣徐思敬

即宋元故址重建

乾隆二十九年縣徙今治學並徙

太原縣學在縣治

東北洪武六年知縣潘原英建趙城縣學在縣治西洪

武七年縣丞凌文質建永甯州學在州治東南隅洪武

七年知縣時應祥建大同府學舊在府治東即遼金西

京國子監元大同縣學也洪武八年改府學

二十九年政府學爲

代王府以雲中驛改爲學即今所也

山陰縣學在縣治西洪武八年知縣

蔣文燦修朔州學在舊州治西北洪武十年知州邾約

建臨汾縣學在縣治西洪武十一年知府徐鐸以元察

罕帖木兒祠改建舊在城外北坂又徙城懷仁縣學在

城西北隅洪武十三年建舊在東門外岢嵐州學在州治西

南洪武初知州施文學建廣靈縣學在縣治西洪武間

縣丞趙自立建右玉縣學在縣東街成化十五年建即

玉林衛學也萬曆時徙西街左雲縣學在縣西街成化十五年建即

雲川衛學也初建於東坡後徙南城萬曆間徙今所陽高縣學在縣東門內成化

十八年建舊在高山衛東天鎮縣學在縣治東成化二

十三年建偏關縣學在縣治東北宏治二年建武鄉縣

學在縣治西南正德四年建即今縣治嘉靖三十一年復縣治改遷於韓山石勒

寨甯武縣學在縣治東七百戶街嘉靖四年建朔平府

學在府南五十里威遠堡嘉靖五年建曹衛平魯縣學

在縣治東嘉靖五年建舊儒學初建於東門內後徙今所平順縣學在

縣治東嘉靖中知縣徐元道建今為鄉學大同縣學在縣治

南萬厯十四年建長治縣學在縣治南萬厯四十年建

蒲州府志永濟縣學與府共一學雍正六年設府置縣而州廢改州學為縣

學學正為教諭十三年山西學政請立府學禮部議改

縣學教諭為教授主府學事其縣學則以訓導掌至乾

隆十四年縣學復設教諭於是府縣教官以分品級故職名

而分職焉案乾隆元年以前教官未分品級故職名

可互虞鄉縣學雍正十二年建

澤州府志鳳臺縣學附府學制同蒲州府

甯武府志府學在西北城之陽雍正五年建神池縣學

在縣治之北隅雍正九年建五寨縣學在縣西街雍正

五年建

謹案郡縣學制唐以前多闕略唐制府郡置經學博

士各一人掌以五經教授宋慶厯四年詔諸路州郡
監各令置學學者二百人以上許置縣學於是縣始
有學然元豐元年州府學官共五十三員蓋其時軍
監與縣校官皆委自運司未隸朝廷也金猶節鎮州
得置學他州弗與至元則路府州縣無不有學教授
學正教諭訓導之員始備明代因之而條教加密典
制爲特重焉舊志學校依府州縣綱爲次各詳其建
置始末而宋以前廟學之最古者僅永和介休稷山
數處其見於金石文字者蒲州唐貞觀一碑而已爰
並次以年代附著於此徵文獻者或取資焉至於各
學規制大略相同舊志於齋堂之後列有射圃及敬
一亭今鄉射之禮不行已久敬一名亭本緣奉明世

宗御製敬一箴而設皆非功令所及也

右興學

附學額學田 並種飲酒禮書院義學

學額以大中小爲差府設教授州設學正縣設教諭各一人
大學並設訓導一人中學或設或否小學各縣止設訓導一
人商學廳學鄉學並同縣

會典康熙三年裁府州儒學訓導各一人大縣儒學裁訓
導一人小縣儒學裁教諭一人十五年復設各府州訓導

又大縣復設訓導小縣復設教諭

小縣舊作中縣

乾隆元年加給

一各省教官品級先是教官未入流品至是定府衛教授爲
正七品州學正縣教諭爲正八品訓導爲從八品

生員之數廩膳生員府學各四十人州學各三十人縣鄉諸

學各二十人增廣生員數同附學生員無定額

通考順治二年

恩詔各學廩增附生仍舊肄業照例優免又定生員品服式

銀雀頂高二寸帶用九品藍袍青邊披領同明史選舉志生員之數府

學四十人州縣以次減十師生月廩食米人六斗有司給

以魚肉生員雖定於國初未幾即命增廣以次減十增廣既多

中定京府六十人外府四十人州縣以次減十增廣既多

於是初設食廩者謂之廩膳生員增廣者謂之增廣生員

及其既久人才愈多又於廩外增取附生於諸生之末講之

附生員凡初入學止謂之附學廩增各五名歲鄉縣如故

試等第高者充之宋臨晉廩增各五名歲鄉縣如故

分十名歲豐九年加臨晉廩增各五名歲鄉縣如故

歲科兩試取進儒童大學自十五人至二十人中學自十人

至十二人小學八人歲試兼取武童如數皆正額也府學別

於各屬縣正額外撥取過

草恩廣額大學加七名中學加五名小學加三名其因輸餽

永遠廣額者自咸豐中始各州縣自一五名至十名不等

太原府平陽府大同府正額各十七名潞安府汾州府忻

州代州解州絳州陽曲榆次文水臨汾襄陵洪洞太平曲

沃翼城長治汾陽介休鳳臺高平陽城永濟猗氏安邑聞

喜等縣正額各二十名

咸豐廣額忻州三名解州一名絳州四名汾陽二名介休十名鳳臺二名曲沃翼城聞喜永濟猗氏各一名

蒲州府澤州府朔平府甯武府遼州沁州朔州平定州臨

晉平遙臨縣大同孟縣五臺崞縣夏縣稷山絳縣靈石等

縣正額各十五名

咸豐廣額平遙四名稷山三名臨晉崞縣各一名

保德州霍州隰州吉州永甯州應州渾源州太原太谷祁

縣徐溝交城興縣浮山榮河萬泉長子屯留襄垣黎城壺

關孝義陵川沁水石玉

原十五名乾隆五十年裁去三名撥入五臺縣榆社武鄉

壽陽定襄繁峙平陸芮城河津垣曲趙城等縣清源鄉樂

平鄉正額各十二名

成豐廣額太谷十名祁縣十名徐溝四名孝義二名河津三名榮河壽陽

精源鄉各一名

河東商學虞鄉縣正額各十名

成豐廣額商學十名虞鄉一名

岢嵐州嵐縣岳陽汾西鄉甯石樓甯鄉懷仁山陰靈邱廣

靈陽高天鎮左雲平魯甯武神池五寨和順沁源靜樂河

曲大甯蒲縣永和等縣馬邑鄉平順鄉正額各八名歸化

廳學兼管薩豐清托甯和六廳以新設無定額

光緒十一年設縣廳

二十人內取一名

通考順治四年定直省儒童入學額數大學四十名中學

三十名小學二十名至十五年又定大府二十名大州縣

十五名小學四五名是年停科試錄取儒童以三年為率

隨歲試考取又歸併宣大二鎮學於山西提學道管理

所

各學舊以分
巡道兼學道

康熙九年更定中學取進十二名小學或
八名七名大府州縣仍照舊制十二年復直省歲科兩考
之制五十九年改山西太平中學爲大學浮山小學爲中
學 雍正元年升平遙中學爲大學額取童生十五名二
年令督撫學臣查明實在人文最盛之州縣小學爲中學
中學爲大學大學照府學額數取錄山西之陽曲榆次文
水臨汾洪洞曲沃翼城聞喜汾陽介休忻州代州長治蒲
州臨晉猗氏解州安邑澤州高平陽城絳州太平襄陵等
二十四州縣向係大學今照府學額各取進二十名絳縣
臨縣大同蔚州朔州遼州平定孟縣崞縣夏縣沁州稷山
等十二州縣向係中學今改爲大學各取進十五名
宋蔚
州於
六年改
屬直隸
黎城壺關繁峙保德興縣吉州隰州等七州縣向

係小學今改爲中學取進十二名又太原平陽二府府學向係所屬州縣內撥取今太原府分設直隸諸州屬府轄者止存十一州縣平陽府分設直隸諸州屬府轄者亦止存十一州縣令學臣將府學二十名卽於府屬各州縣撥入其蒲州等十二州縣除聞喜已屬平陽府撥入府學外其餘十一州縣照舊例聽往進學考試

案聞喜於七年改屬絳州其蒲解各州舊屬丁之役故得考試運學六年盡裁鹽丁其例未停又案所代二州舊屬太原府雍正初改直隸州分去應授府學三名所州取一名又乾隆五十四年裁大同府額三改設後撥去府學三名又乾隆五十四年裁大同府額三名增入鹽石故三年

四年定新設朔平甯武二府照晉省大府學額各十七名

學例取進童生各十五名廩增各二十名其石玉縣原係兩衛併爲一學取進十五名左雲平魯二縣照舊衛學額各取進八名大同府新設陽高天鎮二縣亦照舊衛甯武

府屬之甯武關新設縣學照小學例取進八名偏關縣原
係兩所併爲一學取進十五名又新設神池五寨二縣取
進六名俟人文充盛再議定額案右玉舊設衛學又以成
憲衛學併入偏關舊設所
學又以老營所學併入乾隆二年以各
府縣人文漸盛稟增儒童並增加如額九年改運司學爲
中學於原額二十名內減去八名取進文武生童各十二
名原額康增各二十名減去其半四十三名又減二名取
進十名武童酌減八名
取進四名鄉試舊稱齒字號亦停止以坐商十九年
籍運商又定五年更換之例報考無多人也五十六年
課改歸地丁運學並裁嘉慶十二年復商十三年移安邑
訓導於運城爲商學定額如舊咸豐九年以兩次輸餉得
廣額十名復爲大學武生舊取四名今八名又以臨晉原屬大縣向取進儒童
二十名後分設虞鄉縣分額十名至是照中學例加增五
名二十九年裁清源縣歸併徐溝縣其清源縣學改爲清
源鄉學考試事宜照舊辦理徐溝縣訓導移駐清源鄉頗

給徐溝縣訓導管理清源鄉學鈐記裁平順縣歸併潞城
黎城壺關三縣管理其原隸平順生童準另編平順鄉學
字樣裁汰平順學訓導仍留鄉學卽隸潞城縣管轄給潞
城縣管理平順鄉學鈐記嘉慶元年裁馬邑縣歸併朔州
縣學均照此例案康熙十一年江蘇海門縣裁歸通州以
海門縣學改爲鄉學生童另額取進至乾隆十九年安徽
裁歸淮縣卽援照海門爲例嗣是凡裁汰之縣無
不留學額者而各府州縣學外皆增鄉學矣

通考乾隆二十三年改定歲科兩試文藝之例向例生員

歲試作四書文二篇經文一篇冬日一書一經科試一書
一經一策

冬日一書一策並至是御史劉龍光奏請歲試用一書一

雍正六年更定例經科試用一書一策俱增試律詩一首五言六韻其應用

韻本令學政官備辦臨期給發部議應如所請從之又定

考試童生文藝之例向例四書文二篇經文一篇至是裁

考試童生文藝之例向例四書文二篇經文一篇至是裁

去四書文一篇增試排律以一書一經一詩命題案士子舊皆專

習一經五十三年定以後通習五經歲試輪用一經五試

而周五經罷小學論定童試用四書文二篇詩一首覆試

一書一經案康熙三十六年仍用小學雍正六年改定論題

九年改用性理四十五年仍用小學雍正六年改定論題

用孝經乾隆元年定孝經小學兼用九年定歲科兩試及

府州縣試均於覆試時用四書題作時文一篇外仍用小

學作論一篇其後與孝經性理同慶成豐元年兩江總

督陸建瀛請府州縣試於覆試時增性理論今仍之

生員出貢之制府學歲一人州學三歲二人縣學二歲一人

皆以食餼最久者充之遇

覃恩則以正貢為恩貢其次者為歲貢其歲試所舉之優生

統於鄉試時會考通省以四人充貢謂之優貢十二年則選

拔一次為拔貢府學二人州縣學各一人朔平府選拔一人

通考順治元年

恩詔直省府州縣學俱以本年正貢為恩貢次貢作正貢每

處貢二人又定

廷試貢生閱卷分等例二年令直省選拔貢生每府學貢二
名州縣學各貢一名聽學臣於所至之地便宜考試是年
禮部疏請直省府州縣不拘廩增附生每學將文行兼優
者起送二名小學起送一名入監肄業案此為優貢之緣
起至康熙二十四
年始再行之
蓋非常例也四年頒起送貢生

廷試單式於直省提學十年定功貢例生員從軍有軍功二
等者準監生又二等準貢生至十五年停止 康熙元年

酌減歲貢額數府學三年二名州學二年一名縣學三年

一名八年仍順治二年之舊十年令直省選拔貢生一次

二十四年三十六年皆
省舉行三十九年停止二十六年停止直省歲貢來京

廷試凡歲貢聽學臣考準咨部補授訓導願入監肄業者學

政給文送部割監

二十六年定到監肄業者由本州縣給文

雍正元年選拔

貢生五年復舉行定嗣後每六年選拔一次十一年定優
生準作貢監例各省保送優生廩增生準作歲貢附生準
作監生皆由部換給執照割監肄業 乾隆七年定十二
年選拔一次二十二年定考拔貢生試題例舊例考試拔
貢第一場四書題文二經文一第二場時務策一論一判
一至是改判爲五言八韻詩一首三十四年定學政舉報
優生照選拔貢生之例會同督撫一體考核

府州縣各學並額設份生四十人

通考乾隆八年申定選取樂舞生之例先是五年定府州
縣學樂舞生每學例用六份額數三十六名外加四名以
備事故更替各州縣考選本籍俊秀通曉音律嫻習禮儀

者充補每遇學臣按臨免其府縣兩試由教官冊送府縣敘入考案之後申送院試憑文錄取至是更定各州縣於考童生內略知文義者取具隣族甘結會同學官選補送學臣察核至學臣按臨時飭令提調官按名考驗實係應試儒童略知文義者方準充補若係目不識丁者卽詳明革黜別行選取仍將濫選州縣學官察參議處

駐防旗學生員歲科試由山西學政考取無定額其隸太原城駐防者附太原府學右衛駐防者附朔平府學綏遠城駐防者附歸化廳學

通考乾隆三十一年議準在京八旗文武生員仍責滿洲教授營謀管束其在屯居及各省駐防文武各生照民籍例卽令所在州縣教官就近考課約束

嘉慶四年議準外省駐防文武童生

就本地附近應試歲科試由該省學政
另編滿洲字號考試取進一體鄉試

綏遠城八旗翻譯學額設教習二人翻譯生八十人歸化城
土默特蒙古官學額設教習四人官學生一百二十人

通考雍正二年建先師孔子廟於歸化城遂設滿學左右
兩翼各置教官一員

歸綏識略綏遠城官學在將軍署爲八旗滿蒙子弟肄
業處凡興校庠序塾五學每學二旗官學生四十人乾
隆五十年將軍吉福奏準裁汰添設滿漢翻譯學一所
各旗每佐領下挑選幼丁年十五以上二十以下能習
國書及漢文各十名入學其翻譯教習由部題請將軍
副都統率同本城協領等官監場考取二員入學三年
期滿如果行走勤慎教導有成將軍等出具考語保題

以驍騎校用其五學教習每學二人向由八旗領催前鋒

馬甲內挑取

各學公費銀兩六學一體承領由翻譯學士

三兩入錢二分由房租項內給發

案五學已經奏請裁汰設翻譯學矣而歲仍設教習領公費蓋與禮部之八旗

義學裁歸咸安宮教習相仿

士默特官學在城南二里許文廟西偏有

講堂齋舍箭亭雍正十三年經尚書通智等奏定由六十

佐領每佐領下撥送英俊孩童二名由佐領以下官員內

選派教習四員

土默特向無考試翻譯鄉試之例光緒十一年議準一體考試照例五六人取一名

右學額

學田以供修學及贍給貧士其田與賦卽在州縣田賦之中

惟佃耕收租以待學政檄發間有山塘園屋統名曰田所收

有銀有錢有糧統名曰租田之多寡糧之輕重各學不齊通

考記雍正二年山西共田二百七十五頃五十三畝一分租

銀二百九十八兩七錢六分糧一千一百八十二石二斗六升有奇又記乾隆十四年共田二百七十七頃九十八畝有奇租銀二百五十七兩有奇糧十六石有奇

案晉政輯要成於乾隆五十四年稱田共二百七十七頃零山一道歲收租銀一千一百八十九石八斗零雜粟租三十一石一斗零租銀二百五十七兩零租錢二千二百八十六文租麥一十三石七斗零租米三石一斗是歲收糧得一千二百三十七石七斗有奇也面此云糧十六石當有脫誤其田其銀州縣志詳略不一贏縮皆略相符不應糧數如此之大懸也

之故無從核矣姑依原額備著於左

太原府陽曲縣地七頃一十六畝租穀三十五石八斗太
原縣地一頃八畝九分五釐租銀八兩三錢七分穀六石
三斗五升榆次縣地一十七頃八十一畝三分八釐租穀
六十七石六斗二升有奇太谷縣地五頃二十五畝五分
三釐租穀一十七石二斗八升祁縣地二十六頃一十六

畝五分五釐租穀五十八石四斗九升有奇徐溝縣地一
頃四十六畝六分六釐租銀八兩七錢七分有奇文水縣
地八十四畝租穀一十五石一斗五升崞嵐州地一頃四
十三畝五分雜粟租六石六斗銀一兩二錢 平陽府臨
汾縣地一頃五十四畝一分租穀一十石八斗四升有奇
襄陵縣地一十七畝二分四釐雜粟租一十九石六斗五
升有奇折銀一十兩洪洞縣地二十八畝八分五釐夏麥
租七石七斗五升秋穀租一十七石五斗一升太平縣地
九十三畝二分八釐租銀九兩三錢二分八釐曲沃縣地
二頃七十五畝二分九釐租銀二十兩九錢四分翼城縣
地一頃六十畝租穀六石四斗鄉甯縣地七十五畝租銀
二兩二錢二分 蒲州府永濟縣地七十二頃九畝九分

一釐租穀三百六十石四斗九升有奇臨晉縣地九頃二十九畝九分四釐租穀四十六石四斗九升七合虞鄉縣地六頃一十九畝九分六釐租穀三十石九斗九升八合

潞安府長治縣地一頃一十八畝三分租穀五十七石四斗屯留縣地七頃六十九畝三分五釐租銀二十五兩四錢四分八釐襄垣縣地二頃一十五畝租穀六石八斗

黎城縣地一頃二十畝租穀四十七石六斗八升 汾州

府府學地一頃三十一畝租穀二十五石二斗五升汾陽

縣地二頃六十一畝九分八釐租穀五十四石四斗平遙

縣地二頃六十六畝二分八釐租銀一兩九錢三分五釐

租穀二十二石四斗五升有奇介休縣地七十二畝五分

四釐租穀三十二石七斗

折銀二十四兩
四錢三分八釐

孝義縣地一頃

二十四畝七分八釐租銀四兩八分臨縣地一頃六十八

畝八分租穀一十一石五斗三升折銀七兩二錢七釐永甯州地五

十畝五分租銀三兩三錢三分六釐澤州府鳳臺縣地

九十四畝租銀八兩九錢八分高平縣地一頃一十二畝

七分七釐租穀四十五石折銀一十二兩五錢六分大同府府學地

四頃八畝租穀四十石六斗一升大同縣地五十畝租穀

二石應州地二十四畝租銀一兩四錢四分折制錢五百

百六渾源州地六十畝租銀一兩一錢五分五釐折制錢四百

十八折折錢一山陰縣地四頃五十畝租銀七兩八錢折制錢二千七

百三十五錢九百一十靈邱縣地二頃二十三畝租穀一十一石二

斗五升廣靈縣地二頃三十畝租穀二十三石陽高縣地

二頃三十七畝租銀九兩二錢折制錢三百二十折天鎮

錢新錢一千七十三

順地六十畝租穀一石五斗 朔平府府學地六頃二十九畝雜粟租十二石五斗八升右玉縣地六頃四畝雜粟租一十二石朔州地九頃租穀一十二石六斗馬邑鄉地三頃四十七畝五分租銀四兩一錢六分四釐左雲縣地三頃二畝五分租穀六石二斗八升五合 遼州地一頃八十一畝租穀八石八斗一升米三石一斗和順縣地五十四畝又山一道租銀五錢穀六斗六升 平定州壽陽縣地三頃五十一畝租穀七十三石八斗二升孟縣地一十八頃六十七畝六釐租穀一百一十石六斗五升有奇 忻州定襄縣地三十三畝三分租銀四兩八錢二分 代州地七頃四十九畝六分一釐租銀六兩九錢七分八釐穀一石五升五毫縣地二頃四十九畝租銀九錢九分

六釐崞縣地五十一畝租穀三石六斗繁峙縣地二十五

畝三分租穀一斗三升一合 解州安邑縣地二頃三畝

八釐租穀三十六石五斗六升七勺 折銀三十二兩九錢六釐 夏縣地

五十五畝七分三釐租穀二十七石八斗六升五合五勺

折銀一十六兩七錢一分九釐 絳州地四十五畝九分三釐租穀二石

二斗九升六合四勺 折銀二兩二分 聞喜縣地一頃五十九畝七

分夏租麥五石七斗四升九合秋租穀一十石二斗二升

八勺垣曲縣地二十二畝夏租麥二斗六升秋穀三斗七

升 隰州地二頃一十畝租銀四兩九錢六釐蒲縣地一

頃租穀三石永和縣地四頃五十四畝租銀五兩六分八

釐租穀七石六斗三升二合八勺 霍州地一十一畝三

分租穀一石一斗三升 折銀一兩一分七釐 趙城縣地四十九畝租

銀三兩靈石縣地二頃八十二畝二分一釐租穀六石七

斗七升三合

折銀六兩七錢七分三釐

商學地一頃二十畝租銀二

十三兩三錢六分二釐

通考順治元年定支給廩餼之法令直省各置學田康熙
四年令督撫嚴查州縣額徵田租逐一清釐其征課稅課
資成有司提學官定其殿最賑濟貧生乾隆十年定散給
學租之法舊例學臣散給學租於各處考試竣事始據學
冊報給發至是定學臣確查極貧次貧造具細冊於按臨
之日投遞學臣核實卽於三日內逐名面賑乾隆四十年
戶部咨令將
各屬學租存剩銀兩並糧石變價每
年於奏銷後一併解司報撥充餼

右學田

凡舉報孝行節義事關旌典者悉由學校鄉飲酒禮春冬再

舉養老尊賢又古制僅存者也乾隆十八年頒奉條例肄禮合樂儀文爲大備焉附著於左

通禮歲孟春望日孟冬朔日舉鄉飲酒之禮於學宮直省府州縣以守牧令爲主人省會及監司分駐之地皆以監司其禮以鄉之高年六十以下有德行者一人爲賓其次一人爲介又其次爲衆賓以教官一人爲司正學弟子習禮者二人贊禮二人引禮一人司爵二人讀律令一人僚佐皆與前期戒賓賓禮辭許戒介亦如之以上戒賓介先一日司正率執事者詣講堂肄儀布賓席於堂西北南向主人席於東南西向介席於西南東向衆賓之長三席於賓西南向東上皆專席不屬衆賓席於西序東向僚佐席於東序西向皆北上司正席於主人之東北向

如有鄉士大夫來觀者坐於東

北直省一品席南向二三品席西向府州縣三品以上設席南向四五品席西向無則闕之不立一僎二僎之名設律令案一於主介間正中東西肆又設尊案一於東序南北肆設樂於西階下以上陳設布席屆日質明執事者入具饌設尊於案實酒於尊加羃勺解爵在尊北讀律者奉律令陳於尊中案既辦主人率司正及僚屬先朝服入迺使人速賓介主人立東階下西面僚佐序立於主人之後西面北上司正讀律令者立僚佐之南北面西上贊禮者一人立東階下又一人立學門之外均西面屆時賓介盛服至庠立於庠門之右介居賓南衆賓居介南皆東面北上執事者以賓至告於主人主人出迎賓西面揖賓介以下東面答揖主人入門左賓揖介介揖衆賓以次入門右當階主人揖及階揖賓介答揖主人與賓讓升三讓賓三辭主人

升賓乃升主人東階上賓西階上贊者贊拜主人西面再拜賓東面答拜興卽席主人降階延介一讓升介升拜如賓禮就位主人乃延衆賓衆賓以次皆升主人揖賓長皆答揖衆賓卽席主人率僚佐以下咸卽席以上迎贊禮者賓介贊揚解執事者引司正由東階升詣東階北面主賓介皆起立贊揖司正揖賓介以下皆答揖司爵詣酒尊所舉羣酌酒於解進授司正司正揚解而語曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉黨無或廢墜以忝所生讀畢贊者贊司正飲酒司正立飲畢以解授執事反於案贊揖司正揖賓介以下皆揖司正復位賓介以下皆坐以上贊讀律令執事者舉揚解

律令案於堂中引禮引讀律者就案前北面立賓介主人
以下聽贊咸起立如司正揚觶禮迺讀律令曰律令凡鄉
飲酒序長幼論賢良高年有德者居上其次序齒列坐有
過犯者不得干預違者罪以違制失儀則揚解者以禮責
之讀畢復位賓主以下皆坐以上讀律令贊者贊供饌執事者
舉饌案於賓前次介次主人衆賓以下徧舉訖贊獻賓主
人起離席北面立司爵詣酒尊所酌酒賓爵授主人主人
授爵詣賓席奠於案稍退賓遜席立於主人左贊拜主人
再拜賓答拜皆復位立贊賓酢主人賓離席司爵酌酒授
賓賓授爵介從詣主人席前拜送爵主人答拜如前儀主
人起獻介介酢主人如前儀皆坐執事徧獻三賓衆賓爵
訖以上獻賓酒數行工升歌鹿鳴三章卒歌笙奏

御製補南咳白華華黍三詩詩譜後譜間歌周詩魚麗南有嘉魚南

山有臺三章笙奏

御製補由庚崇邱由儀三詩詩譜後譜迺合樂歌周詩關雎三章召

南鵲巢三章卒歌工告備出執事者行酒主賓以下飲無

算酒以上樂賓贊禮贊徹饌衆賓離席主人率僚屬在東西上

賓介在西東上皆北面贊拜主人再拜賓介以下皆再拜

賓降西階出介及衆賓從立庠門之右東面北上主人降

東階出僚屬從送賓於庠門外之左西面旅揖賓介退禮

卒無愆皆退

正月樂譜太簇商立宮倍無射變宮主調 笙引笙譜 變

宮羽變宮變徵角商變宮羽變宮變宮變宮口羽變宮商變宮

凡變徵口凡變宮羽變徵變徵口凡變宮羽變徵角商變

凡尺凡六凡尺凡六凡尺凡六凡尺上乙

[illegible]

上凡其尺四身上乃凡貽尺羞凡合于尺凡二尺合人凡上有尺凡白尺者
 凡華上合婉乙凡茲六尺靜六好凡上吞尺凡爾上尺女上兮凡宜四修
 乙華上尺道乙尺不凡修凡婦合尺道凡乃乙貽尺羞乙凡于合二
 尺婦乙尺道乙尺不凡修凡婦合尺道凡乃乙貽尺羞乙凡于合二
 合老凡上白尺華凡四匪乙上玉尺湮合尺而食尺不尺漕乙上白合華
 尺匪凡蘭尺芬尺乃乙上勝尺之上我尺擷凡白尺華上載
 尺詠凡四載尺思上白六凡華合匪乙玉合質六玉充之乙令
 合詠凡四載尺思上白六凡華合匪乙玉合質六玉充之乙令
 凡白凡華凡合匪尺蘭上臭合尺蘭尺五之凡靜合尺我尺擷凡合白
 乙白凡華凡合匪尺蘭上臭合尺蘭尺五之凡靜合尺我尺擷凡合白
 尺華凡合載尺思合載乙詠合尺華黍三章瞻合尺彼凡阪合上
 田尺四厥凡上黍尺四始尺四華凡上胝尺足凡上胼凡手合嗟凡上我尺合
 農凡合夫凡合瞻凡上彼尺四阪合尺田凡上黍凡華上以乙秀尺上胼凡
 手合胝乙四足乙合佳尺四勤尺四斯合植乙凡茂合華尺四有不六尺
 秀乙凡矣凡合秀尺六有凡上不合實乙凡矣上合其六雨乙上其四雨凡尺

由庚四章王合尺庚乙凡便合便乙四尺東六尺西凡上朔六尺南

凡容凡合朔上南乙西尺東上惟六敬充上與乙勤乙合百凡上王

六尺憂凡上而凡上後上樂凡上而凡上王凡庚凡恢六恢

乙卯依合
崇邱三章淵大松乙卯
童上合童尺蚌凡
凡尺四隣六

君六子凡慎六刀尺言凡兵六女凡淵乙老六童尺童凡

凡凡乙百上君尺二上竹尺刀凡所尺依六全凡有上

愚六四無凡四不充合智乙四資乙尺生乙上育六四德乙上禾尺四植合無乙凡

凡君君臣臣父父子子凡在六下凡曰

凡臣尺由凡其凡六矣凡物凡則凡黑乙矣乙儀

凡變商角
六凡尺凡
六凡尺凡
六凡尺凡
六凡尺凡
六凡尺凡
六凡尺凡

十月樂譜應鐘清羽立宮林鐘清變徵主調一笙引笙譜

清交敵清角清變敵清官清變官清羽清變敵清角清敵
尺止伏伍伏伍伏尺止伏

清變徵一清角清變徵清羽清變徵清宮清變徵清角清變徵清宮一清角清
變徵清角清變徵清宮清變徵清羽清變徵清羽清變徵清羽清變徵清羽
判情變徵清變徵清羽清變徵清羽清變徵清羽清變徵清羽清變徵清羽
伍清角清變徵清宮清變徵清宮清變徵清宮清變徵清宮清變徵清宮
清羽一清變徵清角清變徵清角清變徵清角清變徵清角清變徵清角
伍清一清變徵清角清變徵清角清變徵清角清變徵清角清變徵清角
清字調蕭譜四字調笙音律同上引譜字注左肅音清變
徵為清變宮為代清宮為江清羽為止清角為合字注
右我逝南陵言陟其咭昔我益行
仕役瞻望有父欲養無由風木
仕何補我逝偶南陵言陟其咭昔我益行
仕我行役瞻望有母也倚閭
仕歸則貨甯止伋南陵有筍籜實勺
伍之辱辱孩提執嘔休之慎爾

伍仁溫仕俗清仕俗潔仕俗爾仕俗旨仕俗有仕俗今仕俗爾仕俗不仕俗養仕俗日

伍月仕俗其仕俗恒仕俗白華四章有仕俗白仕俗者仕俗華仕俗不仕俗

污仕俗織仕俗塵仕俗咨仕俗爾仕俗士仕俗兮仕俗宜仕俗修仕俗其仕俗身仕俗

不仕俗修仕俗其仕俗身仕俗乃仕俗貽仕俗羞仕俗於仕俗二仕俗人仕俗有仕俗

白仕俗者仕俗華仕俗婉仕俗茲仕俗靜仕俗好仕俗谷仕俗爾仕俗女仕俗兮仕俗

宜仕俗修仕俗婦仕俗道仕俗不仕俗修仕俗婦仕俗道仕俗乃仕俗貽仕俗羞仕俗

於仕俗二仕俗老仕俗白仕俗華仕俗匪仕俗玉仕俗湟仕俗而仕俗不仕俗湟仕俗

白仕俗華仕俗匪仕俗蘭仕俗芬仕俗乃仕俗勝仕俗之仕俗我仕俗擷仕俗白仕俗

華仕俗載仕俗詠仕俗載仕俗思仕俗白仕俗華仕俗匪仕俗玉仕俗質仕俗玉仕俗

之仕俗令仕俗白仕俗華仕俗匪仕俗蘭仕俗臭仕俗蘭仕俗之仕俗靜仕俗我仕俗

擷仕俗白仕俗華仕俗載仕俗思仕俗載仕俗詠仕俗華仕俗黍三章瞻仕俗彼

仕阪仕俗田仕俗厥仕俗黍仕俗始仕俗華仕俗抵仕俗足仕俗胼仕俗手仕俗嗟

仕阪仕俗田仕俗厥仕俗黍仕俗始仕俗華仕俗抵仕俗足仕俗胼仕俗手仕俗嗟

山西通志卷七十六

學制略下

三

伍百生君子慎乃託身今澗松童
伍童生制則災卑兮邱草妻妾邱則
伍崎生凡百君子審乃所依兮
伍有崇者邱物無不遂有卓者
伍道愚無住不扶智資生育德永植
伍無替由儀四章在上曰天在下
日地君臣父父子孫
下曰地在君臣父父子孫
君臣在上下曰天子父父子孫
君臣在上下曰天子父父子孫
矣儀其由矣物則休矣一笙成笙
諧清變徵清角清變徵清角清宮一清角清變徵清角清宮一清角清變徵清角清宮一

會典凡鄉國之樂府州縣鄉飲酒設雲璈一方響一琴二瑟一簫四笛四笙四手鼓一柏板一

右鄉飲酒禮

晉陽書院在省治新南門內本三立祠也雍正十一年

賜帑金千兩營建書院改今名舊志府東舊有晉陽書院後名河汾明萬厯初廢癸巳巡撫魏

於允於名移隆於明
三後貞貞基三建十三三
立前復貞址立三三三
書卑建之改書院立年
院卑考棚自爲院於巡
前尋圯校士所侯家巷
爲圯爲國朝順治間巡
校士所順治間巡撫吳
治士所順治間巡撫白
所順治間巡撫白如梅
侯陽曲縣志順治十七
家陽曲縣志順治十七
巷陽曲縣志順治十七
而書院則另設於北門
書院則另設於北門乾
院則另設於北門乾白
免爲難差移書院前
爲難差移書院前
地構堂堂庶記前
構堂堂庶記前
闕講堂東之隙

地建學舍四十間添
建奎星閣於中央

會典直省省城設立書院奉

旨賜帑贍給師生膏火令有志向上無力就師各生入院肄
業書院師長由督撫學臣不分本省鄰省已仕未仕擇經
明行修足爲多士模範者以禮聘請丁憂在籍人員理應
杜門守制不得延請書院素乾隆三十年奉文改書院山長之稱爲院長生徒由
駐省道員專司稽察各州縣秉公選擇布政司會同該道
再加考驗果係才堪造就者方準留院肄業各省書院師
長實有教術可觀人材奮起六年之後著有成效者準督

撫學臣請

旨酌量議敘諸生中才器尤異者亦令薦舉一二以示鼓勵
其餘各府州縣書院或紳士捐資倡立或地方官撥公經

陽書榆次縣十所城內三處鳴謙鎮東都村什貼鎮五村張
龍下榆次縣十所城內三處鳴謙鎮東都村什貼鎮五村張
處元設士趙彬所建源池書院也明嘉靖太谷縣義學三所
年重修二處一在學宮西一在縣東徐溝縣三所城內二所清
南資福寺南鄉一處在溝子村東徐溝縣三所城內二所清
交城縣二所三都公學一在屯蘭都武家莊武公祠內名積瓶
秀書文水縣二所外一在城內西街書院尙嵐州一所後文昌
院嵐縣一所舊志舊三興縣一所治東
平陽書院在平陽府東關外舊正誦書院康熙五十七年臨
年知府徐浩恢拓之為合屬士子肄業之所又建乾隆三十
有晉山書院在永利池上元泰定二年建蹟存
姑汾書院在襄陵縣城內朝書重建內有考院陳
玉峯書院在洪洞縣東門內廢園建慎交書院乾隆中知府
韓浩改今名城內舊有麗澤相
觀登瀛三書院並明時建今廢
神山書院在浮山縣城內

龍門書院在太平縣西門外本文于祠康熙五十六年知

以齋舍嗣是屢修並增設經費舊有謙益書院在縣北張高村

從教書院在曲沃縣西街舊有樂昌書院乾隆十二年知縣

知縣張坊重修改今名咸豐四年移於考院東

紹文書院在翼城縣南城乾隆三十五年知縣許崇楷於舊

為書院道光十九年知縣鄧愛濤捐置經費舊有翔山扶風麗澤三書院並廢

鳳池書院在汾西縣東門內

吉昌書院在吉州城南錦屏山明正德二年

知州史紀建鄂水書院在鄉甯縣南門內道光十一年知縣崔光笏建舊

有雲臺書院在南山文昌祠右

義學臨汾縣十所城內一處正縣治東東關二處四鄉九村

各一處襄陵縣五所舊志各里胥置洪洞縣七所本城內一處

社學今存五所

治十三年改建萬安鎮一處鎮人劉漢疆建城東村一處光緒五年重置又萬安曲平堡楊曲各一處光緒十二年設浮山縣二所通志太平縣九所城內二處一在城墜廟西一在城內二處一在城南寺四鄉沙文村尉村焦村北青陂西彭村岳陽縣二所一在學宮前曲沃縣南高村高家莊各一處門樓北關樓院上西關恭世子廟古二十五所城廂內古東門樓北關樓院上西關恭世子廟古馬鎮隘口鎮東莊張少村西莊鎮宋郭村廣城鎮高縣鎮侯戶村東張寨北辛店東馬莊南林交東同鎮褚村金沙村各一處又喬村一翼城縣一所忠坊汾西縣一所附書吉州二處光緒九年設翼城縣一所忠坊汾西縣一所附書吉州二所在崇安門外一在城東

河東書院在蒲州府治東初在府治東三里我城後移城初河中人王無矜與弟無伐請以已所居宅及田設書院守官為言於朝許焉賜名首陽明初廢宏治中知州許鵬復之院崇實書院並康熙中置

王官書院在虞鄉縣城南光緒三年建

汾陰書院在榮河縣東門外舊有三鳳書院在后土祠東大

甯書院在縣東北
並明時建今久廢

義學永濟縣二所
一在城內一在永樂鎮
臨晉縣九所
雍正九年分設

晉學額又以坡上一帶地方縣長四十餘里地瘠民貧讀書
無力奉文村莊遠近設立義學八所
今存學門南一所縣人統

東濟置又光緒十二
年添設城鄉八處
虞鄉縣七所
城內一所同治十一年設

侯氏黃旗營周氏南郭村
猗氏縣一所
今設一處

柏梯村曹氏各一
又普樂鎮一
猗氏縣一所
今設一處

榮河縣二所
各一村
今廢
萬泉縣五所
並舊

上黨書院在潞安府治東南
明萬曆間知府陳儒建後改文

李為棟修易名為
政文其後知府劉育杰
改復舊名又有蓮

池書院康熙中
建後改義學
雄山書院在蔭城鎮
創自北宋

之末元泰定乙丑
蔭城儒士李恆
修復之後尚書李
惟馨請

於禮部榜於前
額又東山書院
在東大村東山之
巔明嘉靖

問義門仇森仇朴
建
呂村記其後並廢

濂山書院在長子縣城
乾隆三十二年知
縣王巨源重建

勝山書院在屯留縣治東
乾隆十八年知縣焦以教建
傳經書院二十七年知縣何見龍增捐

經費後改名麟山道光同
治光緒中均續捐經費

漳川書院在襄垣縣學宮後舊素晉書院遺址乾隆中知縣李體中重建名古韓

廬山書院在潞城縣學宮東康熙十五年知縣李時謙建乾隆六十年嘉慶六年重修道光

十四年又修並增置經費

東陽書院在黎城縣明正德初建

壺林書院在壺關縣學宮東乾隆中知縣馬琰陳誠同建同治十三年知縣胡燕昌重修並

捐置經費

義學長治縣五所在縣治東三聖堂舊志城關社學六處後並廢光緒十二年知縣蔡世佐增設西火

開村蘇店長子縣三所通元觀蓮花坊二處襄垣縣七所城內韓店四處

五處今附書院一在潞城縣一所垂黃碾潞河各一處今並處亭鎮一在夏店鎮

廢黎城縣三所一在東陽關一處壺關縣一所北街

西河書院在汾州府治東南舊名棠蔭書院康熙二十四年知府張奇抱建乾隆中知府魏

元樞顧鴻增設程費卜山書院在城北大相村子
夏祠又有白公書院仰高書院文昌書院今並廢

超山書院在平遙縣學宮前陶道光八年知縣楊霖川建名古

捐經費改今名徐繼畲有記舊有縣士書院在上東門內後
廢西河書院在縣治南康熙中知縣王綬建後改為真館

縣山書院在介休縣三十五年知縣王謨文改建舊有景賢

書院在東南城上三賢書院在林宗祠內今久廢

中陽書院在孝義縣城內倉巷縣鮑序建

鳳山書院在臨縣康熙二十七年知縣莫友仁建

龍山書院在永甯州治南州梁承光建

義學府城四所城隍各二光汾陽縣十二所城內二宏寺小

泉東窩羅城河西平遙縣十所志云義學在縣治東莊任岩陽

南垣集賢各一遊駕村香樂鎮洪善鎮武村凡十處並知縣

王綬設下東門甯固鋪王家莊杜村各一處介休縣六所城

關龍頭村陳家莊甯固鋪王家莊杜村各一處介休縣六所城

南新屯張蘭鎮各一處孝義縣一所今存城內一處在文

河臨縣一所知縣莫友石樓縣一所在文昌祠志云咸豐中

永甯州一所乾隆二十九年知州蔣甯鄉縣五所在城一處

縣建四鄉四處趙家莊惠家坪楊家圪塔龐家會各一處

明道書院在澤州府治北明萬曆間澤州知州王所用建中

知州倫可大拓修陳廷敬記乾隆二十年五

縣公捐經費四十八年知府姚學瑛重建

懷仁書院在鳳臺縣治東乾隆四十七年知縣

宗程書院在高平縣學宮西道光四年知縣李聯榮建同治

城書院在縣治東明嘉靖間改社學置久廢

仰山書院在陽城縣城本田侍郎式穀鏡山堂故址乾隆三

間知縣王順梁昌和增置經費舊有聚奎書院康熙中

改爲文昌祠又乾隆初知縣謝廷瑜會建同文書院

望洛書院在陵川縣文昌祠後舊祀和文忠公嘉慶十二年

其東咸豐四年知縣錢濟元增置經費

碧峯書院在沁水縣城內乾隆中書院在西關今人廢

義學鳳臺縣四所縣志宋程子令晉城時建社學一區今尚

十所全大定中縣令郭質修舉元季兵燹明宏治八年知縣

楊子器恢復在縣者四在村者三十六歲久圯萬曆三十六

年知縣楊應復振舉焉案合縣村莊如巴公原高都鎮周

村鎮七嶺店四義村來村李村三家店五門村並有孔廟蓋

卽當時所建其學則無一村存者光緒高平縣五所同治中知

縣義學一百二十所城關各設二所高平縣五所縣龍汝霖

建餘並在一百二十所城關各設二所高平縣五所縣龍汝霖

今有節義坊新莊園陽城縣二所舊在常平倉西又陵川縣

莊韓莊小川四所國陽城縣二所舊在常平倉西又陵川縣

七所光緒十二年黃國燦置田百畝又北關一所新設沁水縣一

所在北街乾隆中知縣王

所日義建又有社學遺址

真中書院在大同府治東明御史陳文鑑建久廢國朝乾

十六年知府嘉復建於府署之西道光四年知府崔九昭與

巡撫司互易移於今地合九屬捐置經費焉又有務學書院

宏治中建久廢

金城書院在惠州治東

康熙六十年知州章宏就察院東壁地改建

恆麓書院在渾源州東門外

乾隆四十四年知州嚴慶雲建初名步雲書院後改又有翠屏

書院在城南七里鳳山書院在城北七里並廢

太白書院在靈邱縣城內

道光九年知縣蘇元義捐置經費

延陵書院在廣靈縣城內

康熙中知縣杜坦建後屢經修葺光緒元年知縣崔丹桂籌增經費

雲陽書院在陽高縣城內

同治初建

紫陽書院在天鎮縣治東

乾隆十八年知縣張坊建培風書院於北門外霜神祠其後知縣朱

宗洛移於城內北街同治十二年知縣朱安國再移於此

義學大同縣一所

舊在得勝堡舊志懷仁縣一所在東山陰

縣一所

在縣治東渾源州三所今並廢

縣一所

在陽高縣四所城內一處在縣治前東井樂王官

設

天鎮縣六所府志十處今有城內一處四鄉張河底三

玉林書院在朔平府城內

義學石玉縣一所在城內朔州二所州舊設社學八處街五處

昌祠一處馬邑鄉一處左雲縣一所在文廟東

鶴鳴書院在甯武府治西南乾隆十三年知府魏元福建

儒林書院在偏關縣南街乾隆八年知縣陸剛建

蘆秀書院在五寨縣城內嘉慶十二年建舊有

義學甯武府一所在府署西七百偏關縣二所一在縣城一

廟內神池縣一所在縣署西北五寨縣一所在城內東街

崑山書院在遼州南門內

箕山書院在榆社縣治西乾隆七年知縣費映奎即地

義學遼州一所在萬壽宮前同治三年移建舊二和順縣一

所在城內榆社縣六所附書院內舊有東關雲

銅鞮書院在沁州治東乾隆十四年知州雷

韓山書院在武鄉縣治西北康熙中知

義學沁州一所在大街康熙二十一年沁源縣四所舊一所在

光緒十三年城武鄉縣四所一在學宮後一在東街又南

冠山書院在平定州上城西乾隆三十二年知州陶易建初

衛改舊有石樓書院在學宮前又高山嘉慶十八年學使戴亨

山而冠山本有元左丞呂思誠之冠山精舍亦名書院冷基

存

奉川書院在樂平鄉城道光元年建初名少山書院光緒三

樂平知縣鹿師祖建又松峯書院在鄉城南三都元時建今並廢

受川書院在壽陽縣治東康熙四十年知縣鍾照貞改舊

改名

秀水書院在孟縣學宮東康熙六十一年知縣傅忠自崇文

復改今名道光二十一年於內增建試院

義學平定州三所一在學宮西一在南莊鎮一在陽泉村舊

壽陽縣十七所城內一處東關一處四鄉張淨鎮西洛鎮

窰村石板溝解家坪神武所胡家鎮解愁鎮南窰村西山頭桑

坪獨壁村白家莊直峪村各一處孟縣一所在片泉驛康熙

建俞欽秀容書院在忻州治西岡上乾隆四十年知州魯漢建嘉慶

重修並續捐經費中知州福敬咸豐初知州華典

晉昌書院在定襄縣城內乾隆十六年知縣渾

義學忻州三所南門北門各一定襄縣一所在所建社學也

咸豐元年重修

斗山書院在代州治西乾隆四十八年署知州王

崇實書院在五臺縣學宮前乾隆四十四年知縣王秉

乾隆四十四年知縣王秉

乾隆四十四年知縣王秉

崞陽書院在崞縣學宮西

北靈書院在繁峙縣治東

乾隆二十五年知縣李鳳集建道光十六年知縣吳其均移於此以

舊院為義學

義學代州一所

舊分東西二處後廢光緒五年知州俞廉三別設

五臺縣一所在東

崞縣六所

原平南中大街下墨都神山銅川一所城內有賢一所久廢

繁峙縣二所

一在北街即舊書院一在沙河鎮

蓮峯書院在保德州城東南隅

道光十七年知州莫兆文建

河陰書院在河曲縣城內

乾隆中建造道光十年改為義學同治十一年知縣金福增修復並置

經費

義學保德州二所

一在城內中街光緒五年知州沈晉祥建一在東門外大路坡

河曲縣二

所

一附書院一在舊縣城道

解梁書院在解州城內崇甯坊

乾隆十七年知州韓桐塋張氏舊園建舊書院在州治北

本廣慈寺明知州林元敘及州判呂梅改建久廢又州西北張村有元岐裕齋所建書院城內有明楊士魁見山精舍皆

廢久

條山書院在安邑縣治北舊在東門外久廢乾隆十一年知縣佟濬就察院舊署建

涑水書院在夏縣學宮東在溫公祠之西基址即祠內地元主正間建名溫公書院明因之後

廢國朝乾隆十七年知縣陳佩重建後改名

傅巖書院在平陸縣東關外乾隆十七年解州知州言如泗建又縣治東有虞城書院本察

院故址也後改為倉

西河書院在芮城縣治東本召公祠故址乾隆二十七年知州言如泗同知縣莫溥建又卜子

祠舊設書院

義學解州五所曲村石橋廟龍居村安邑縣四所南村東郭趙村大張村各一處在西谷村一在曹張鎮一在

各一夏縣五所北衛村一在西張南村又縣署南一所與郭處一

村之養正書平陸縣五所一在城北關一在茅津下街城內院並八廢

隆禧觀及張店鎮原裏村舊各一

處 芮城縣一所在北門內

東雍書院在絳州盧家巷一在州南關同治元年士民捐建

天主教堂雍正二年改建者咸豐十一年仍昇西人乃移建

於此貢生劉國銓又捐南關舊園建別院焉舊有崇理啟光

二書院並明時建久廢

香山書院在聞喜縣西關內乾隆二十九年知縣李遵唐建舊有董澤書院在阜底村陳水

書院在北街今並廢

思文書院在稷山縣治東南康熙二十年知縣朱文爵就府

韋之瑗拓修之改題今名咸豐

八年知縣沈鳳翔籌設經費

文清書院在河津縣南街本薛文清公講學地其南即正學

今名國朝乾隆二十九年知縣黃鶴齡拓建與文清祠通

又龍門書院康熙中知縣楊玉所建在縣治東南尋廢入此

華靈書院在絳縣治西南一在東南東院本舊察院乾隆三十四年知縣李繼靖改

建道光七年知縣李典重修並建西院又凍陽書院在縣西
橫水村元泰定間建後廢國朝乾隆二十年知縣徐以泰
別建於城內後亦廢

義學絳州十六所城內社學一處在桂林坊西關一處四鄉

泉掌鎮丁村西莊席村三處張村周莊莊光村龍泉莊蘇村

北社段家莊下船內莊各一處村聞喜縣十五所舊學宮西北

光緒九年新設城內三所西關東鎮橫水蘭德裴稷山縣九

村馮莊堰掌河底郭店宋店栗村郭堡各一處在青龍鎮一在楊趙村

所迪鎮一在華峪鎮一在吳城鎮一在小杜鎮一在楊趙村

河津縣六所城內二處午芹村新設一處吳村絳縣四所楊村大

交董村習垣曲縣一所在望村新設一處絳縣四所楊村大

義四村垣曲縣一所在望村新設一處絳縣四所楊村大

紫川書院在隰州城內以康熙四十八年知州錢

崇文書院在蒲縣西門外乾隆九年知縣徐帝

樓山書院在永和縣蓮花池

義學隰州一所附書大甯縣一所附外永和縣七所城內一

六所

霍山書院在霍州北門外舊在大清縣東明知州褚相建名

正曹端祠

簡城書院在趙城縣南門外乾隆十五年知縣李超倫建舊

嘉靖間知縣賀國定重修改名雲龍久圯

竹林書院在靈石縣城內

義學霍州二所並在城內新設趙城縣十二所城內四所耿峪仇池

胡麻石山堰裏各一所並新設舊有南北關楊堡靈石縣一

高產古屯瓦窑頭馬牧雙昌辛莊王積九處今廢

補遺

啟秀書院在綏遠城同治十一年將軍定安建

開運書院在岳陽縣儒學西

蒲陽書院在蒲州府永樂鎮

敬敷書院在永濟縣

仰陽書院在猗氏縣城外

方山書院在萬泉縣

仰山書院在石樓縣東關

鳳鳴書院在甯鄉縣文昌祠內

鄆陽書院在朔州北街

固山書院在平魯縣

觀華書院在神池縣

雲龍書院在和順縣

琴泉書院在沁源縣東關

岑山書院在靜樂縣

亳城書院在垣曲縣文昌祠內

振文書院在大甯縣

右書院義學

山西通志卷七十六